

全上古三代秦漢三國六朝文

全隋文卷三十

闕名

金紫光祿大夫趙芬碑

闕上翼苞島而納百川者必有出日之波瀾斯乃

闕上庶績亦何代

無其人哉淮安定公繼之矣公諱芬字士茂

闕上英靈不絕十一

世祖融字稚長所謂荀令君

闕上牀曾祖玟祖賓青或頻贊藩維

或口腰銀艾

闕上出龍宿感周勃生公炳靈特挺氣稟純粹

闕上

理無喜愠之色先聖微言味之而不倦

闕上書舍人尚書兵部郎

職乃應星人同披

闕上二國竝興伊洛峭函百樓相對金星火宿

芒

闕上不進加儀同三司仍長史徵入朝歷御伯納言

闕上治

夏官府司馬封淮安縣開國子前後任熊漸二州刺史口口口口

口幹口優

闕上滯如

闕上平口口口天官

闕上聖主得賢開皇五

年除蒲州刺史加金紫光祿大夫己公年時方邁故優己

關上
乞

骸聽曰大將軍淮安公歸第仍降璽書口賜几杖口口口口口口

口
白
主

上卷

二月十二日寢疾薨于京師之太平里第王人口口口

十與口口口口口

關上

府內融虛舟玄運有禮有法可大可久從

□ □ □ □ □ □ □ □ □ □ 卅餘

關上

然風塵不染清白自守脂

膏莫潤故

關上

公業不亡折薪有寄府佐杜寬等仰惟盛

關上議

知夏屋之所乃勒此高碑樹之

天下

歷代口口口仁不常厥土所在稱珍口美

問上

動無近對研尋

百氏下上千古

ET

命歸火謚歌去木古

湖上

身淑慎名敎斯在

城黃腸口墓石

拓本

隋上柱國梁州刺史陳茂碑

口口挺奇略口口口高文于游夏芳徽盛範口口傳祀纂神基

口六奇定策夷項甯漢德口口口兼口著口口興太守功表折衝

任居分陝祖口口口口遺

下
字關

案集古錄引碑云
延陵當在此闕處

公粟氣辰

象降靈口口五行之秀蘊六德之姿倚天照其鋒穎絕海振其

羽翻識口口故闕下

太祖曰元皇帝之口口也爲大將軍口口口

殷朝若室之蕃姬國望雲斯表佳氣□□□□初

公曰賈誼登朝之歲終望奉使之年展采于濫觴之辰效官

于尺木之始口——心而事君口三分呂成務遷振威將軍給事中

口口口口口口口獄下

仍爲將軍府屬治內郎功預斷蠲勸

宣汗馬口用口間威風遠振封南皮縣男食邑一百戶太祖爲上

在國隋國公涇州口口公口府

閣下

有口口之化非無利器之能

轉涇州總管府司錄監遠將軍右口員外常侍皇上嗣霸圖將興

帝業
町口
道口
口口
口口
口口
上口
口口
大將
軍口
口公
口公
口公

下

府長史

周武帝薄伐東秦席卷河北聲振口坂勢超垓下旣而流錫口口

方盛引弓之

關下

公衝冠之氣臨危奮發口口之誠造次先表每

呂身口執銳前驅上天縱雄傑英威口世下之口口下口口口

口口口口上口口口口師凱入授儀同三司上德映在田在口業

口一口口口九命公亦追蹤口口絕口人下上爲定州總管公

任總管府司錄兼定州贊治上爲亳州總管公除總管府司錄上

爲上柱國公遷府長史下蚩尤之凶口口口東陵之盜謀爲西

楚之口肆彼逆口口口邵邑刁斗相喧雲梯交映晉陽之師將沒

疏勒之口口口公下之口心口口口之擊口之去口轟口冰泮

掃地無遺口口遠降口蒙裳賞授驃騎將軍右光祿大夫口口之

下大將軍上爲大丞相隋王公除府掾治右十二府長史上登

庸伊始納麓在辰作口負圖口絕口口公下之義旣滌推口之

思斯重大隋御宇惟新建國開皇元年授給事黃門侍郎口口日

夕下執府口其年除右衛府長史進爵爲口增邑六百戶通前

一千四百戶出口上師口口軍容之盛公運籌幕府口和鼎

實塞口獻授口最口優二年授開府儀同三司領左

口聲口口口口口口道口仰雄風之扇口口口受口設口之口周

氏季

冤口比屋傳其頌聲疆場又安遐邇口福口口口之

黃門侍郎兼右衛府長史七年授兼太僕卿黃門侍郎如故九年

正除太僕卿判黃門侍郎如故口口口口口口口口居

開府儀同三司太僕卿判黃門侍郎如故軒遊口咸口飾口口比

鄧騰口台口均口權

虧湯口口口舉口中口治口案部口條威惠斯口下車為政口化

雍然口口口其明口口口其

切摧梁慟滾罷市兩宮軫口百辟傷懷諡曰口公禮也即口其年

之口月十口日歸葬蒲州猗氏縣長口口之

口口口口之道口口天然口口口口之心口由早口驅馳少口宦

閣下

之口

閣下

10

閣下

11

附 7

推

揆

沈：



拓下
本闕
碑

靈

肉

2.11.1. 2.2.3. 4. 1 :

大夫封霸城縣開國子轉左宮伯三年加開府□□遷□□二
州□□州□□州刺史□六條□化萬□案才□□□□
仁風被于□民甘雨隨□軒蓋□安之地衝要斯在三峽設險八
陣成圖自非□武兼運無□當斯鎮撫□□公□□□□□
□□□□□□□□□□略每出口□□地□□威鎮殊俗
凡所招納六萬餘戶建德年治熊州刺史周武揚旌汾蒲席卷河
東公□于函谷□□□□□□□□□□□□□□州諸軍
事洛州刺史封建威□□□□□□□□□□紹義竄身沙瀚委質
獯獫憑引寇戎每爲邊患□公聲□遠裔信著殊方乃遣□□□
□□□□□□□□□□□□□□□□□□榮□□□□
□□大將軍除亳州總管進封范陽郡公皇隋撫運授上大將軍
開皇三年除右武侯大將軍□□□□□□□□□□□□□□
□□將軍除華敷二州刺史改封海陵郡公轉涇州刺史十二年

除靈州總管靈州刺史進位柱國公管仲之嗣亦既上騰陶侃之
翅屢飛□□□□□□□□□□□□□□□□□□□□□□□□
口口蕩而口心不矯口呂求譽口口口月口化大行口年迫崦嵫
志口謝事上表陳遜優詔不許春秋七十有七自十六年春二月
口口口疾口于家口八月廿二日厝于口口口王人弔祭諡曰威
公禮也惟公挺茲偉器口口多能傳劍術于白猿受兵符于黃石
龍潛豹韜之法壯陣牝陣之奇獨悟口口口口口口口口口口
口口口口口搖口口而口口口馳口口口口口口口口口口而口斃
銀鎗口而烏落固亦妙絕一時聲高六郡旣而宦成名遂禮縉位
隆居則羅口口口口則口口口口口口口口口口口口于二口
酌損之忠口口口口口口口口口口口口軒冕而口寄濠梁郊郭
之外別廬一所類洛西之金谷有山陽之竹林每休沐餘閒退朝
口眠口口口口口口口口口口舉口口口歌聲口口口口口口

期奄至郭門既遠長別
俗思范鑄金而寫狀況
頌無聞乃相與絕其詞曰

肇自黃神分于白帝業盛千古福流萬世
達碑神高亮學劒曲城受書汜上見義
而作外降五

口口口千尋直上

闕下

出口口口談辰者莫不推口口口羣公咸

相引口太祖武元皇帝口口在田府望口重乃已爲外兵參軍事

闕下

爭未分口口口口口攻心口口口之口太祖口口口口出制

口開西口口口之兵口口沙口之眾

闕下

戎口口馬骨口口寒水

長口塞外口口口陽口氏徵口鞠口口戰卜口計膝背城魚口口

野公壯心口發口口德

闕下

王師口旋式加口賞口口都督封口

州斥章縣開國子邑四百戶周大冢宰晉國公居社稷之重當口

機之政爪牙之任

闕下

信尋轉大都督進封口州安喜縣開國侯

邑一千二百戶又除天官府都上士天和四年除使持節車騎大

將軍儀同三司口口口口口司武口口口大夫大象二年口口司

武大夫進位上儀同大將軍皇隋口運口口茅社進爵爲公開皇

二年口上開府車騎將軍六年十二月除使持節邛州諸軍事邛

州刺史橘園鹽井物口富饒口口口文民俗口口口祭口口口

之口莫傳文君聽琴失身之風未絕公齊禮正德令行禁止淪人

口口欣戴仁風蜀口鳴絃口口美下之口口口王金空有口口

之口十一年因疾還京十六年八月十六日薨于京第春秋六十

有五粵呂十七年二月廿五日厝于口西縣交川鄉唯公口字外

口口口內口非禮不動唯仁是託夜口口行未口改口容口疾口

口爾不口口其口口口口同口口之口心地口九口之口垂口口

口之口口口口呂之口口乎若對下庭加呂口口好古重口輕

財口車而口周人口口口口窮士口口軍口雅善兵口研口水口

口口口口山之口口口文之妙下之口口杯不口比口口一德

包口口口口口可大可久全行全名而才口半古口不充口口山

之口未口口中口之下于口口絕絃止口口口口士友口口長史

口口大口口口口口咸口口口老口口口風俗會稽典口之口安口

先賢之狀下民口口于夏口之口口口佳口之地乃相與進口

口城門下 而青松口口口久口口口史其辭曰

口乘下 後口口口威名王下 文下 行手握靈珠心下 物

下 未分口天下 神下 案此碑肋缺過半據石墨銘華

未必無明拓本故已置而復錄之

建安公等造尼寺碑

昔夫老子作上下之經纔表清虛之妙莊生著內外之義且論出處之高無申業報之言豈賜因緣之旨眷言大道未為盡得是知神理未滅真趣幽玄心期之理起惑興障若非達聖膺運至德隆靈孰能敷化大千口口彼岸暨口通漢夢炭驗昆明法輪西闡像教東被自尔迄今將千載矣雖神功妙迹迴出天人應物隨方多有口口口口玄風遂扇緒口更繁或廢或興隨時出沒良由心塗所隔業緣致壅故耳我大隋膺千齡之會處五運之口口口口道先天協命皇帝統厯乘元欽明御宇秉金輪日治世懸玉鏡而照

臨聲逸萬古澤被遐外好生惡殺泣辜解納輕茲小道慕彼大乘
欲歸一諦會由三寶乃詔州縣各立僧尼二寺襲聖軌之將殯繼
金言之暨缺使君建安公衣冠水鏡稽紳模楷入朝見美出牧稱
賢含柔履愼率由成則德流異部聲播殊方念法界已歸依弘慈
善已訓物申命懃至不捨斯須縣令西河宋景輔國將軍內散復
州別駕治長史宜昌竟陵二郡口口口都督允文允武所在稱奇
製錦一周弦歌千室志懷清愼恆若履冰能官之美今古獨絕漢
悟非常情存釋典聽訟之暇無忘福田丞大梁齊相尉博陵張服
河間張欒竝已明哲來贊專城清懃自處譽宣鄰邑俱申迴向之
心共忻真淨之路心意精實不行自遠遂仰依明教俯厲宿誠乃
于形勝之所崇構尼寺縣宦七職爰及鄉正之徒感斯福德忻然
營助寺主道辯等覺法紬上坐智最緩稱等咸已戒操端嚴音儀
匪忒煩惱已棄業行聿脩相與經始不日而就余其勢極弘麗地

惟爽塏房廡深重長廊交暎連雲合比屋霞舒寶鐸迎風雕梁
照日至于莊嚴口殿飾盡丹青相好非常光明特絕舊尼徇德漢
觀律藏莫不負錫來遊有懷樂上竊惟靈應微遠無迹可尋但理
口口口言由事發故揆蹟索隱更顯法于將來幽贊神明亦了達
于未悟然則立德之美從斯而見著述之義其在口口今盛業旣
彰大功刻構而微猷莫記非所已曉示來葉者也是已敬勒他山
式遵前學庶無土功德與山口口口傳其詞曰

述聽前脩曾聞莊老可名非名可道非道道遙爲貴齊物爲寶緣
報不由理尙未好遙哉上覺口口神功四禪無像三界畢空口非
迹應事已感通無因達聖何已聞蒙於惟我皇自天攸縱九有懷
德八方咸統治尙無爲民隨日用滔風旣口式歌且誦功參佐命
來牧蕃維秉茲德實是導是綏民知禮讓俗尙謙撝過則稱已功
必口口實爲良宰撥煩理口旣經德化風移俗易仁不獨善贊輔

斯益共保令名嘉命可適爰有明詔誥彼四方玄風更闡遺教重
昌同口口德上下紀綱伽藍仍建迴刹高驥物愛雕修人榮寶飾
畫堂皎皎華攘翼翼名德卜居宴坐止息歸依一口口口口溫
溫哲人穆穆明后作我橋梁弘茲善誘有言必應言立不朽敬勒
斯銘天長地久大隋開皇十一年歲次辛亥六月辛口口碑拓本

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷三十一

烏程嚴可均校輯

外國

倭國王多利思北孤

多利思北孤姓阿每

國書

日出處天子致書日沒處天子無恙云云

隋書東夷倭國傳大業三年其王多利思北孤

遣使朝貢其國書云云帝覽之不悅

高昌王麴伯雅

伯雅本金城榆中人開皇中嗣位大業中尙宗女華容公主拜

光祿大夫并國公

下令國中

夫經國字人日保存爲貴寧邦緝政日全濟爲大先者日國處邊

荒境連猛狄同人無咎被髮左衽今大隋統御宇宙平一普天率土莫不齊向孤既沐浴和風庶均大化其庶人曰上皆宜解纒削衽隋書高昌傳大業五年伯雅來朝因從擊高麗還尙宗女華容公主八年冬歸蕃下令國中

突厥沙鉢略可汗

可汗姓阿史那氏名攝圖伊利可汗之子齊周間佗鉢可汗已爲爾伏可汗統其東面佗鉢卒國人迎立之號伊利俱羅設莫何始波羅可汗二號沙鉢略治都斤山後度漠南寄居白道川立約呂磧爲吮

致隋文帝書

辰年九月十日從天生大突厥天下賢聖天子伊利俱羅設莫何始波羅可汗致書大隋皇帝使人問府徐平和至辱告言語具聞也皇帝是婦父卽是翁此是女夫卽是兒例兩境雖殊情義是一今重疊親舊子子孫孫乃至萬世不斷上天爲證終不違負此國

所有羊馬都是皇帝畜生彼有縉綵都是此物彼此有何異也隋書突厥傳北

史九十九

上隋文帝表

大突厥伊利俱羅設始波羅莫何可汗臣攝圖言大使尚書右僕射虞慶則至伏奉詔書兼宣慈旨仰惟恩信之著逾久逾明徒知負荷不能答謝伏惟大隋皇帝之有四海上契天心下順民望二儀之所覆載七曜之所照臨莫不委質來賓回首面內實萬世之一聖千年之一期求之古昔未始聞也突厥白天置已來五十餘載保有沙漠自王蕃隅地過萬里士馬億數恆力兼戎夷抗禮華夏在于北狄莫與爲大頃者氣候清和風雲順序意曰華夏其有大聖興焉況今被霑德義仁化所及禮讓之風自朝滿野竊曰天無二日土無二王伏惟大隋皇帝眞皇帝也豈敢阻兵恃險偷竊名號今便感慕淳風歸心有道屈膝稽顙永爲藩附雖復南瞻魏

闕山川悠遠北面之禮不敢廢失當令侍子入朝神馬歲貢朝夕恭承唯命是視至于削衽解難革音從律習俗已久未能改變聞國同心無不銜荷不任下情欣慕之至謹遣第七兒臣窟合真等奉表已聞隋書突厥傳沙鉢略立紇纥為界國上表又見北史九十九通典一百九十七突厥莫何可汗

可汗名處羅侯號突利設攝圖弟開皇七年嗣位為葉護可汗隋拜為莫何可汗

奏請取北牙

阿波為天所滅與五六千騎在山谷間伏聽詔旨當取之已獻隋書

長孫晟傳開皇七年攝圖死遣晟持節拜其弟處羅侯為莫何可汗處羅侯因晟奏

突厥啟民可汗

可汗名染干攝圖次子號突利可汗居北方開皇十九年拜為意珍豆啟民可汗

上表謝恩

臣既蒙豎立復改官名昔日竊心今悉除去奉事至尊不敢違法

隋書突厥傳

上表陳謝

大隋聖人莫緣可汗憐養百姓如天無不覆也如地無不載也諸
姓蒙威恩赤心歸服竝將部落歸投聖人可汗來也或南入長城
或住白道人民羊馬徧滿山谷染干臂如枯木重起枝葉枯骨重
生皮肉十萬世長與大隋典羊馬也

隋書突厥傳

上煬帝表

已前聖人先帝莫緣可汗存在之日憐臣賜臣安義公主種種無
少短臣種末爲聖人先帝憐養臣兄弟妬惡相共殺臣臣當時無
處去向上看只見天下看只見地實憶聖人先帝言語投命去來
聖人先帝見臣大憐臣死命養活勝于往前遣臣作大可汗坐著

也其突厥百姓死者已外還聚作百姓也至尊今還如聖人先帝
提天下四方坐也還養活臣及突厥百姓實無少短臣今憶想聖
人及至尊養活事具奏不可盡竝至尊聖心裏在臣今非是舊日
邊地突厥可汗臣卽是至尊臣民至尊憐臣時乞依大國服飾法
用一同華夏臣今率部落敢自上聞伏願天慈不違所請隋書突厥傳

賜進士出身一品銜廣東等處提刑按察使司按察使兼管驛傳事務黃岡王毓藻校刊

全隋文卷三十二

烏程嚴可均校輯

釋氏一

智顗

智顗字德安俗姓陳潁川人居華容梁末出家湘州果願寺陳
光大初住金陵瓦官寺太建中入天台至德中召住光宅寺陳
亡晉王奉爲戒師號智者尋歸湘州又入天台開皇十七年卒
諫僧尼策經落第休道

調達誦六萬象經不免地獄盤特誦一行偈獲羅漢果爲論道也

豈關多誦

釋藏纓口續
高僧傳

將赴晉王召求四願

一雖好學禪行不稱法年極西夕遠守繩牀撫臆循心假名而已
吹噓在彼惡聞過實願勿已禪法見期二生在邊表頗經離亂身

閤庠序口拙暄涼方外虛玄久非其分域閒搏節無一可取雖欲
自慎樸直忤人願不責其規矩三微欲傳燈日報法恩若身當戒
範應重去就去就若重傳燈則闕去就若輕則來嫌謂避嫌安身
未若通法口命願許其爲法勿嫌輕動四十餘年水石之間因已
成性今王途旣一佛法再興謬課庸虛沐此恩化內竭朽力仰酬
外護若丘壑念起願隨心飲啄日卒殘年許此四心乃赴優旨上
與晉王書論毀寺

今獲蔣州奉誠寺慧文律師書敬呈如別仰惟匡持三寶行菩薩
慈近年寇賊交橫寺塔燒燼仰乘大力建立將危遂使佛法安全
道俗蒙賴收拾經像處處流通誦德盈衢銜恩滿路昔居戎在陣
尙得存心況息武興文方應光顯至如慧文所述撝剔伽藍必由
在所官人多生僻解致令外僧惶惑憂懼不寧貧道常念無堪謬
當知識若論愛惜形命豈敢言忤公門特是佛法相關亦由香火

事大意之所爲、唯憂冥道、寤忘卽日之身、必存未來之義、若不述
愚心、則虛當四事、復乖三稔香火、是何人乎、是何人乎、在所官司、
唯怖事辦、豈慮因果將來善惡耶、當願聖德尊嚴、履萬安之路、福
祿隆重、高而不危、修菩薩行、棟梁佛法、牆塹三寶、澤暨四海、風芳
萬代、若謂寺多州少、國或不聽、方便善權、仰由安立、若須營造、治
葺城隍、江南竹木之鄉、采伐彌易、仰希弘紐、提拔將沈、故寺若存、
新福更長、冀蒙矜允、幽顯沾恩、法事仰干、追深愧跼、沙門某敬白、
三月十一日、釋藏起二國
清百錄二

與晉王書請爲匡山兩寺檀越

江州匡山東林寺者、東晉雁門慧遠法師之所創也、遠是爛天釋
道安之高足、安是大和尚佛圖澄之弟子、三德相承、如日月星、真
佛法梁棟、皆不可思議人也、而遠內閑半滿、外善三玄、德布遐方、
聲高霄漢、初詣山足、依止一林、共邪舍禪師、頭陀其下、若說若默、

修西方觀、末于林右、建立伽藍、因曰爲名東林之寺、遠自創般若、佛影二臺、謝靈運穿鑿流池三所、梁孝元構造重閣、莊嚴寺宇、卽日宛然、峯頂寺者是齊慧景禪師感山人延請、因棲其峯、次梁慧歸、在後登蹕、方建伽藍、峯有水泉、忽然枯涸、歸燒香呪、願清流盈滿、天降甘露于泥洹日、是日先德名蹤垂芳不斷、松霞清曠、觸處蕭條、公私往還、莫不歸向、自大化江左、貧道因至彼山、憩泊東林、時遊峯頂、已歲爲日、羨翫忘勞、然山下伽藍、偏近驛道、行人歸去、頗成混雜、今奉請爲兩寺檀越、庶藉影響、眾得安心、禮誦虔誠、用酬洪澤、并乞勒彼所由、永禁公私停泊、沙門某敬白

同上

答晉王請撰淨名義疏書

爰逮累翰、殷勤至法、匹夫行善、止度一身、仁王弘道、含生荷賴、蓋登地菩薩、應生大家、所曰發心、興隆大道、曷可量也、孰可比哉、貧道山僧、本懷夙志、于天台舊居、言念無捨、庶因世境安樂、更得寄

跡幽林、仰爲行道、非唯城邑、近歲謬承、人汎擬迹、師資顧此、疏蔽
已非時許、況聖澤日隆、復垂今命、省諸庸鄙、彌匪克堪、貧道蒙承
師教、禪慧頗持、耳去眼流、如華上水、來聽經論、其功既淺、賴荷禪
門、憑定修習、比于專學、數論區分、理乃弗達、業乖至熟、自非如來
明達、種智高圓、檀林殊能、誰肯雙損、況乎去聖滋遠、曉悟甚微、徒
欲承恩、懼乖溪窵、有招幽譴、兼虧聖德、特願更迴神慮、別俟勝賢
妙果、芳因、使無斷絕、經稱一句染神、歷劫不朽、大智慧海、信爲能
入、固知深解大乘、佛法久住、功德易滿、智慧最高、守質抱愚、仰希
德覽、徒申庸俚、終不自宣、沙門某白、上同

與晉王書請爲天台玉泉十住三寺檀越

前所諮天台山事、本聽後期、爰逮報示、不然夙志、棲霞乃言咫尺
非關本誓之心、天台既是寄終之地、所已恆思果遂、每囑弟子、恐
命不待期、一旦無常、身充禽鳥、焚燒餘骨、送往天台、願得次生、還

棲山谷、修業成辨、乃可利人、但仰赴義門、多慙蕝淺、發心既重、輒課庸微、去聽慈恩、庶無忽促、政言天台營理、本擬十方安立僧徒、非專爲己、昔年修葺、願創伽藍、形可隨緣、香燈難絕、故欲遣修葺、冀憑方便、同途校具、淨人得蒙勝舉、并祈一旨、事竝前諮、方乞寺名、屈作檀越、懼多煩沓、未敢同時、處處結緣、功德彌大、玉泉十住、許垂恩爲檢校、唯待教旨、卽遣僧使冀藉光威、三寺遙荷、伽藍未整、功德已圓、仰聞煩煩、言何能謝、沙門某白、三月二十日、釋藏起三國清

答晉王書謝度人出家

切曰、今月嘉辰、菩薩應世、奉爲至尊、皇后報恩、功德鎔寫靈像、度人出家、現在因緣、福業無量、使五沙彌爲弟子、輒當恭旨、作說戒師、年歲既小、別須和尚、必選名德、爲作依止、竝賜法衣、卽于眾前、歡喜頂戴、沙門某敬白、七月十九日、同上

荅晉王書論放徒流

開府學士柳顧言宣教金光明行法究竟如十五日清淨圓滿恩放徒流矜勉鞭罰上開府潘惠達儀同張四娘等凡四十五人賜令斟酌謹卽依事詢詳切曰一人出世多人利益濟善御俗仰屬輪王案此經云若犯王法繫縛枷鎖諸苦惱等悉令解脫又灌頂經云王當放赦屈戎之人徒鎖解脫王得其福天下太平雨澤及時人民安樂教旨符應經文豈非宿殖德本慈善根力謬曰多幸忝此大緣率勵僧徒清齋洗浣龍王注雨甘澤並周爰開獄門杻械解脫徒流原宥莫不蹈舞殿庭稱恩感戴加復送曰勝旆仍懸寶塔登高散華燒香朗燭並畱供設設法開示咸令向善其僧法運等雖著法衣不能修心身犯國憲取穢道流忍乃上來戰慄下恥白大眾畱七日晨夜訓資暫依僧黜使慙誠獎耳沙門某敬白

十月十六日上

答謝晉王施物書

開府柳願言宣敕曰法歲圓滿爰降勞問并施金色新製香爐一具法衣一通絲絹百段燭三十挺紙二千張上廚果食等剎那不住節序相催老至易悲觀心難諱幸逢弘建正法省無戒慧實懼難銷香爐起峯蓮華奪豔忍辱離塵安行履躡經稱受用無作恆生燭俟夜燎紙擬淨名當機要施法事忘謝果食繼緝道場同沾歸福有在辭略言外沙門某敬白七月十五日

同上

遺書臨海鎮將解拔國述放生池

貧道少懷靜志願屏鄙塵微悟苦空得從閑曠是日去西陝之舊里將領門徒遊憩天台十有二載但此山溪接江源連互海際魚捕漚業交橫塞水殺戮既多殺災無限非直夭傷物命有足悲者亦是公私去來頻遭沒溺以此死亡不可稱數貧道不惟虛薄願言拯濟仍率勵山僧貨衣資什物就土民孔玄達等買茲泥業永

作放生之池、變此魚梁、制成涇流之水、故臨海內史計尚兒敬法
心重、仍請講說金光明經、至流水品、檀越羊公賢等聞斯妙句、咸
捨滛業、凡五十五所、遂使水陸沾濡、人處荷澤、蓋聞雨花滿室、蒼
長者之恩、明珠照夜、報隋侯之德、斯固植妙行于前修、播芳風于
末代、福不康捐、善無虛失、仍以此事表白前陳、敕云、此江若無烏
賊珍味、宜依所請、永爲福池、國子祭酒徐孝克、猶植德本、才地兼
美、聞斯積善、請樹高碑、冀此洪基、與嶽同固、願茲勝業、將日月俱
全、昔陳氏江東地、不過數千里、猶若此慕善忘懷、仰惟皇帝陛下、
奉金輪而御八表、握寶鏡以臨四民、風雨順時、馬牛內向、信已道
高、堯舜德邁、軒羲加復、躬行十善、等赤子于羣分、自運四弘、總下
生而普濟、且不靡不彫、著白外書、救蟻救魚、聞之內典、豈富有天
下而憫惜、一江源恩洽宇內、而獨隔數百里、改蓮花之池、興燒煮
之業、使軍民恣其傷殺、水族嬰其酸楚、身首分離、骨肉糜潰、已貧

道意度皇帝之心豈其然乎但晉王殿下道貫今古允文允武二
南未足比其功多材多藝兩獻無已齊其德茂績振于山西英聲
馳于江左管淮海之地化吳會之民不曰貧道不肖曲垂禮接躬
非世絕謬荷人師且述事源爰降符命在所恭承莫敢違越假令
別有嚴使的奉敕符毀所樹之碑復民滌業者貧道卽振錫披衣
擔簦躡屐遠遊京輦詣關上書頌首碎身已全物命況今上旨總
使江南收捕海族而江溪山水不出海魚披省符文事不相涉特
由在斯苟欲是非毀壞放生興殘害業當今太平之世路不拾遺
若恣軍民收羅采捕則是奪人現財公行劫盜若已至尊欲令軍
民豐沃不許放生者去貧道西遊路經岳州刺史王宣武仍結香
火稟受大乘而被地民不事農桑專行殺捕之業學士曩據請講
遂卽停盟一州五縣咸捨其業凡一千餘所已事表臺降敕開許
自是岳州頻降祥瑞使君宣武旌賞倍常至尊神智高明有感皆

應宣容爲軍民口味奪人善業縣尉此敗惡成僻見且江溪狹小
不及岳州一基之地又止有雜魚本無海族至尊曰晉王殿下有
文武奇才故徧加委任江南諸州事無大小皆由決判今若不得
注言王教不聽者則是是非由于縣裁斷不關晉王如此之言豈
可聞于王耳且大王親有符旨開許放生何容在所私行雍遏貧
道辭還幽谷有二因緣一爲大王功德治葺舊寺二爲案行江溪
修營福會共諸檀越遠建菩提爰被存亡莊嚴口口永願一人有
慶保盤石之基使十千之魚恣相望之樂貧道至止已久頻荷優
任供給資須人功影響每思往彼未展來遊逃聽所聞頗傳惠化
境有三異之德民謠五袴之歌飡味高風誠羨隨喜但君臨稍畢
旋反非賒唯希善始令終曰全嘉興攀轅臥轍無愧昔賢貧道反
覆九思徘徊三省北方人士壽長有福豈非慈心少害感此妙齡
東海民庶多天殤漁獵所忌短命貧窶乃是世閒現見可爲鑒誠

者也。今若斷三歸之命、養五陰之身、斯則廢淨土之花業、起無邊之重過。事既反常、恐非養生之術。餘州鎮防不遑、江海既處高源、采捕無地、未聞亡身他境、帶病還鄉。豈復必須水族、已資身命、直令采捕、尚乃非宜。況有毀他放生、已給軍士、明府在鎮清嚴、遠近稱歎、一錢不納、一犢方畱、曾參養鵠、卒獲寶珠、孔愉放龜、終佩金印。檀越若不逆晉王符旨、不乖貧道之言、則是再灑法流、奉宣帝道、有德必酬、無善不報。玉珮雕弓、不求自至、金印紫綬、應念便來。今遣弟子晉明齋舊事往簡、但明府總此邦之務、執一鎮之兵、機有教必行、如風靡草。願已貧道此書、宣示百姓、訓誨軍民、使遵九言之教、無爲始禍、改十惡之心、永符元吉。事事信人口、且不復委陳沙門智顓白。

釋藏起字同號
國清百錄四

赴晉王召道病遺書告別

貧道初遇勝緣、發心之始、上期無生法忍、下求六根清淨、三業殷

勤一生望獲不謂宿罪殃殘致諸留難內無實德外虛名譽學徒
強集檀越自來既不能絕域遠避而復依違順俗自招惱亂道退
行虧應得不得憂悔何補上負三寶下愧本心此一恨也然聖法
既差自審非分欲已先師禪慧授與學人故畱滯陳都八年弘法
諸來學者或易悟而早亡或隨分而自益無兼他之才空延教化
略成斷種自行前闕利物久虛再負先師百金之家此二恨也而
年既西夕恆惜妙道思值明時願逢外護初蒙四事既勵祈年師
已學徒四十餘僧三百許日于江都行道亦復開懷待來問者儻
逢易悟用荅王恩而不見一人求禪求慧與物無緣頓至于此謬
當信施化導無功此三恨也又作是念此處無緣餘方或有先因
荆潭之願願報地恩大王弘慈霈然垂許于湘潭功德粗表微心
雖結緣者眾孰堪委業初謂緣者不來今則往求不得推想既謬
此四恨也于荆州法集聽眾一千餘僧學禪三百州司惶慮謂乖

國式豈可聚眾用惱官人故朝同雲合暮如雨散設有善萌不獲
增長此乃世調無堪不能諧和得所此五恨也既再遊江都聖心
重法令著淨名疏不揆闇識輒述偏懷玄義始竟塵蓋人識復許
東歸而吳會之僧咸欣聽學山間虛乏不可聚眾束心待出訪求
法門暮年衰弱許當開化今出期既斷法緣亦絕此六恨也在山
兩夏專治玄義進解經文至佛道品爲二十一卷將身不愼遂動
熱渴一百餘日競疾治改際此夏末慮有追呼束裝待期去月十
七日使人至山止畱一宿遽比螢光早希進路行過剡嶺次至石
城氣疾兼篤不能復前此之義疏口授出本一編自治皆未搜簡
經論僻謬尙多不堪流布既爲王造監羞其拙囑弟子抄寫後本
仰簡前所送玄義及入文者請付弟子焚之天挺睿智願一編開
讀覽其大意餘無可觀貧道灰壤雖謝願畱心佛法詢訪勝德使
義門無廢溪窺佛教治道益明徧行徧學是菩薩行如來滅度法

付國王、貧道何人、慧門惡友、欣然就盡、沒有餘榮、但著述延歲、文
義不同、悵然自慚、生來所召周章者、皆爲佛法爲國土、爲衆生、今
得法門仰寄、三爲具足、六根釋矣、命盡之後、若有神力、誓當影護
王之土境、使願法流行、已答王恩、已副本志、菩薩誓願、誠而不欺、
香火義深、安知仰謝、願觀泡幻、知有爲法、一切無常、會而不離、終
不可得、唯當勤戒施惠、已拒四山、早求出要、豈須傷法、煩勞聖懷、
蓮華香爐、犀角如意、是王所施、今已仰別、願德香遐遠、續高僧傳
作還用仰
別使承
布德香長保如意也、南嶽大師滅度之後、未有碑頌、前蒙教許、自
制願不忘此旨、南嶽師于潭州立大明寺、彌天道安于荊州立上
明寺、前蒙教影護、願光飾先德、爲作檀越主、貧道在世六十年、未
嘗作有爲功德、年暮力弱、多闕用心、又香火施重、近于荊州、仰爲
造玉泉寺、修治十住寺、竝蒙教囑、彼總管、靳春郡公達奚長儒、僧
齋教書至夏口、而靳春公亡、書未及付、慈恩已足、願爲玉泉作檀

越主今天台頂寺茅菴稍整山下一處非常之好又更仰爲立一伽藍始翦木位基命弟子營立不見寺成冥目爲恨天台未有公額願乞一名移荊州玉泉寺貫十僧住天台寺乞廢寺田爲天台基業寺圖并石像發願疏悉畱仰簡泰平聖世皇風整肅菩薩淨土不可思議切見諸州迭迭租米車脚皆三五倍于公斂不多私費爲重典章處分別有濫規貧道不閑忽言國式輒謂無米之州運送宜爾有米之州當地輸送則無此私費管窺未見理若干式有妨請不須論干事有益願爲諮奏使蒼生慶賴然國是王國民是王民加修慈心撫育黎庶犬馬識養人豈忘恩乎昔聞齊高氏見負炭兵形容憔悴愍其辛苦放令出家唯一人樂去齊主歎曰人皆有妻子之愛誰肯孤房獨宿瞪視四壁自償山林已此觀之出家難得今天下曠大賦斂寬平出家者少老僧零落日就滅前賢帳時或隨緣聽學或山林修道不及帳名雖復用心常懷憂懼

此例不多。悉有行業。願許其首。則是度人出家。增益僧眾。熾然佛法。得無量功德。昔三方鼎立。用武惜人。今太平一軌。修文修德。正是其宜。又未法眾僧多行不稱。服尚不挾人意。況扶經律。王秉國法。兼匡佛教。有罪者治之。無罪者敬之。起平等不可思議心。則功德無量。此等之事。本欲面諮。未逢機會。奄成遺囑。亦是爲佛法爲國土爲眾生。若能留心功德。仰賽臨命。口授言盡。力窮期迫。戀多知復分說。大善知識。菩提爲期。沙門某敬白。開皇十七年十一月。釋藏起三國清百錄三

淨土十疑論

第一疑問。諸佛菩薩。曰大悲爲業。若欲救度眾生。祇宜生此三界于五濁三塗之中。救眾生苦。因何求生淨土。自安其身。捨離眾生。是無大慈。障菩提道。答菩薩有二種。二者久修行菩提道。得無生忍。自不待說。二者未得不還。及初發心。凡夫要須常不離佛。忍

力成就方堪處三界于惡世中救苦眾生故智度論云具縛凡夫起大悲生願生惡世救苦眾生者無有是處何已故惡世界煩惱強自無忍力心隨境轉聲色所縛自墮三塗焉救眾生故維摩經云自疾不能救而能救疾人又智度論云譬如二人同行一人爲水所溺一人性急直入水救爲無方便力彼此俱沒一人有方便往取船筏乘之救接悉皆得脫水溺之難新發意菩薩亦復如是爲此常須近佛得無生已方能救眾生如得船者又論云譬如嬰兒不得離母若離母或墮坑井溺乳而死又如鳥子翅羽未成祇得依樹傳枝不能遠去翅翮成就方能空飛自在無礙凡夫無力專念阿彌陀佛使成三昧已念成故臨終發念得生決定無疑第二疑問諸法體空今乃捨此而求西方豈不乖理 答釋有二義一者總答二者別答總答者汝若言求生西方彌陀淨土則是捨此求彼不中理也汝若執住此不求西方是捨彼著此此亦成

無亦不中理也。又鈔註云：我亦不求生彼，亦不求生此者，則斷滅見。故金剛般若云：須菩提，念若作是念，發阿耨多羅三藐三菩提心者，說諸法斷滅相，其作是念，何自故發菩提心者？下法不說斷滅相，二別答者，夫不生不滅者，于生緣中諸法和合，不守自性，求于生體，亦不可得。此生生時無所從來，故名不生不滅者，謂諸法散時不守自性，言我散滅，此散滅時去無所去，故言不滅。非因緣生滅外別有不生不滅，亦非不求生淨土，喚作無生。偈云：因緣所生法，我說卽是空，亦名爲假名，亦名中道義。又云：諸法不自生，亦不從他生，不共不無因，是故說無生。又云：譬如有人造立宮室，若依空地，隨意無礙，若依虛空，終不能成。諸佛說法，常依二諦，不壞假名，而說諸法實相。智者熾然求生淨土，達生體不可得，卽是真無生。此謂心淨，故佛土淨。愚者爲生所縛，聞生卽作生解，聞無生卽作無生解，不知生卽無生，無生卽生，不達此理，橫想是非，瞋他。

求生淨土。幾許誣哉。此則是謫法罪人。邪見外道也。

第三疑問。十方諸佛。一切淨土。法性平等。功德亦等。行者普念一切功德。生一切淨土。今乃偏求一佛淨土。與平等性乖。云何生淨土。答。一切諸佛土。實皆平等。但眾生根鈍。濁亂者多。若不專繫一心一境。三昧難成。專念阿彌陀佛。卽是一相三昧。已心專致得生彼國。如隨願往生經云。普廣菩薩問佛。十方悉有淨土。世尊何故偏讚西方彌陀淨土。專遣往生。佛告普廣。闍浮提眾生。心多濁亂。爲此偏讚西方一佛淨土。使諸眾生專心一境。易得往生。若總念一切佛者。念佛境寬。則心散漫。三昧難成。不得往生。又求一佛功德。與求一切佛功德無異。已同一佛法性故。爲此念阿彌陀佛。卽念一切佛。生一淨土。卽生一切淨土。故華嚴云。一切諸佛身。卽是一佛身。一心一智。慧力無畏亦然。又云。譬如淨滿月。普應一切水形像。雖無量。本月未曾二。如是無礙智。成就正等覺。應念一切。

刹佛身無有二。智者曰。譬喻得解。若能達一切月影。卽一月影。一月影卽一切月影。月影無二。故一佛卽一切佛。一切佛卽一佛。法身無二故。故熾然念一佛時。卽念一切佛也。

第四疑問。卽求生一佛淨土。何不于十世佛土內。隨念一佛淨土。何須偏念西方淨土耶。答。凡夫無智。不敢自專。專用佛語。只知偏念阿彌陀佛。云何用佛語。釋迦大師一代說法。處處聖教。惟勸眾生專心偏念阿彌陀佛。求生西方。如無量壽經觀經往生論等。數十餘部經論文等。殷勤指授。勸生西方。故偏念也。又彌陀佛別有大悲四十八願。接引眾生。又觀經云。阿彌陀佛有八萬四千相。一一相有八萬四千好。一一好放八萬四千光明。徧照法界。念佛眾生。攝取不捨。若有念者。機感相應。決定得生。又彌陀經大無量壽經鼓音王陀羅尼經等云。釋迦佛說經時。皆有恆河沙佛。舒其舌相。徧覆三千大千世界。證成一切眾生念阿彌陀佛。乘佛大悲。

願力決定得生極樂。當知阿彌陀佛與此世界偏有因緣。何自得
知無量壽經云。末世得法之時。特駐此經。百年在世。接引眾生。往
生彼國。故知阿彌陀佛與此世界極惡眾生。偏有因緣。其餘諸佛。
一切淨土。雖一經兩經。略勸往生。不如彌陀佛處處經論殷勤叮
囑勸往生也。

具當作具

第五疑問其縛凡夫惡業厚重。一切煩惱。一毫未斷。西方淨土。出
過三界。具縛凡夫云何得生。答有二種緣。一者自力。二者他力。
自力者。瓔珞經云。始從具縛凡夫。未識三寶。不知善惡。因之墮果。
初發菩提。已信爲本。住在佛家。已戒爲本。受菩薩戒。身身相續。戒
行不缺。經一劫二劫三劫。始至初發心住。如是修行十波羅蜜等。
無量行願。相續無間。滿一萬劫。方始至第六正性住。若能增進至
七不退住。卽種性住。此約自力。卒未得生淨土也。他力者。若信阿
彌陀佛大悲願力。攝取念佛眾生。卽能發菩提心。行念佛三昧。厭

離三界身起行施戒修福于一一行中、迴願生彼彌陀佛土、乘佛願力、機感相應、卽得往生、故十住娑婆論云、于此世界修道有二種、一者難行道、二者易行道、難行道在于五濁惡世、于無量壽佛時、求阿鞞跋致甚難可得、此難如塵沙說不可盡、略述三五一者、外道相眩、亂菩薩法、二者無奈惡人、破他勝德、三者顛倒善果、能壞梵行、四者營聞自利、障于大慈、五者惟有自力、無他力、譬如跋行一日、不遇數里、極大辛苦、謂自力也、易行道者、謂信佛教、念佛三昧、願生淨土、乘彌陀願力攝持、決定往生、如人水行藉船力、故須臾千里、謂他力也、又如劣夫從轉輪王、一日一夜周行四天下、非自力輪王力也。

第六疑問、具縛凡夫得生彼國、耶見三毒等常起、云何卽得不退、超過三界、答得彼國有五因緣不退、云何爲五、一者阿彌陀佛大悲願力攝受、故得不退、二者佛光常照、故菩提心常增進不退、

三者水鳥樹林風聲樂響皆說苦空聞者常起念佛念法念僧之心故不退四者彼國純諸菩薩已爲良友無惡緣境外無鬼神魔內無三毒等煩惱畢竟不起故不退五者生彼國卽壽命永劫共菩薩佛齊等故不退也

第七疑問彌勒菩薩一生補處卽得成佛上品十善得生彼處見彌勒菩薩隨從下生三會之中自然得聖果何須求生西方 答求生兜率一日聞道見佛勢若相似實有優劣且論二種一者縱持十善恐不得生彌勒上生經云行眾生三昧得人正定方便得口口無方便接引之義不如阿彌陀佛本願力光明力但有念佛眾生攝取不捨又釋迦佛說九品教門方便接引殷勤發遣生彼淨土但眾生能念阿彌陀佛者機感相生必得生也二者兜率天宮是欲界退位者多無有水鳥樂樹風聲樂響起眾生菩提之心伏滅煩惱惡業又有女人長諸天愛欲天女微妙諸天耽玩自不

能捨不如彌陀淨土、水鳥樂樹、風管樂響、眾生聞者、皆生念佛念
法之心、伏滅煩惱、又無女人及與二乘、純一大乘清淨良伴、爲此
煩惱惡業、畢竟不起、遂致無生之位、如此比較、優劣顯然、何須致
疑、今觀釋迦佛在世之時、大有眾生見佛、不得聖果者、恆沙彌勒
出世、亦爾、何如彌陀淨土、但生彼國、悉得無生法忍、未有一人退
落、爲生死業縛者、也、又西國傳云、有三菩薩、一名無著、二名世親、
三名獅子覺、此三人發願、同生兜率、見彌勒、若先亡者、得見彌勒、
誓來相報、獅子覺先亡、一去數年不來、後世親臨終之時、無著語
云、汝見彌勒必來相報、世親已去、三年始來、無著問曰、何意如許
多時始來、世親云、至彼天中、聽彌勒說法、一坐旋繞、卽來相報、不
曉此處、已經三載、又問獅子覺、今在何處、世親云、獅子覺爲受天
樂、在外眷屬、從去已來、總不見彌勒、諸小菩薩、生彼尙在五欲、何
況凡夫、爲此願生西方、定得不退、不求兜率也、

第八疑問眾生無始已來造無量業、今生又復無惡不造、云何臨終十念成就、卽得往生、出過三界法業之事。答釋云、眾生無始目來善惡業種、多少強弱、並不得知、但能臨終遇善知識、若惡多者、知識尙不可逢、何況十念成就、又汝言無始來惡業爲重、臨終十念爲輕者、今日三種輕重較量不定、在時節多少、云何爲三、一者在心、二者在緣、三者決定在心者、造罪之時、從自心虛妄顛倒生此心、初不知其爲罪業也、念佛者、從善知識聞說阿彌陀佛真實功德名號、生此心、方知其爲勝因實福也、一虛一實、豈可相比、譬如萬年暗室、日至而暗頓滅、豈可已久來之暗、遂不滅邪、在緣者、造罪之時、從虛妄痴闇心、緣虛妄境界顛倒生、然真心未嘗不惶愧、有時而掩飾也、念佛之心、從聞佛清淨真實功德名號、緣真實覺悟、踴躍奮迅、心生、唯恐其不得、一旦見佛也、一真一僞、豈可相比、譬如人被毒箭中、箭深毒慘、傷肌破骨、一聞滅除藥鼓、卽

箭出毒除豈肯已箭深毒慘而不去乎決定者造罪之時初不信其有佛也及至念佛之時又唯恐其有罪也念心猛利如日再明又譬如十圍之索千夫莫制童子揮劍須臾兩分如千年積柴一豆之火少時卽盡故一心念佛滅八十億劫生死之罪爲念佛時心猛利故伏滅惡業決定得生不須疑也

第九疑問西方去此十萬億佛刹凡夫劣弱云何可到又往生論云女人及根缺二乘種不生當知女人及根缺者必定不得生彼答爲對凡夫肉眼生死心量說西方去此十萬億佛刹耳但使眾生淨業成者臨終在定之心卽是淨土受生之心動念卽生淨土也觀經云彌陀佛國去此不遠又云業力不可思議一念卽得生彼不須愁遠如人在夢身雖在牀而心意識徧至他方一切世界生淨土亦爾動念卽生不須疑也女人及根缺二乘種不生者但論彼國無女人及無盲聾瘡痾人不道此間女人根缺人不得

生彼也。卽如韋提夫人是請生淨土主及五百侍女授記悉得往生。但此處女人及盲聾瘖瘡人一心念阿彌陀佛悉生彼國已更不受女人身亦不受根缺身耳。二乘人但回心願生淨土至彼更無二乘執心故無量壽經四十八願云。設我得佛十方世界一切女人稱我名號厭惡女人捨命之後更受女身者不取正覺。況生彼國更受女身復有根缺邪。

第十疑問欲決定求生西方未知作何行業。呂何爲種子。又凡夫俗人皆不斷淫欲未知得生彼否。答決定生西方者具有二種行。一者厭離行。二者欣願行。厭離行者凡夫無始已來爲五欲纏縛輪迴五道備受眾苦不起心厭離五欲未有出期爲此常觀色身膿血屎尿一切惡露不淨臭穢故涅槃云如是身城愚痴羅刹住止其中誰有智者當樂此身。又經云此身眾苦所集一切皆不淨上至諸天身皆亦如是行者若行若坐當觀此身唯苦無樂淡

生厭離縱使妻房不能頓斷漸漸生厭作不淨觀若能如此觀身
不淨者淫欲煩惱漸漸減少又發願願我永離三界五欲男女等
身願得淨土法性生身此謂厭離行一名欣願行者觀彼淨土莊
嚴等事欣心願求常不離佛得無生忍此謂欣願行也釋藏起口
國清百錄

佛說觀無量壽佛經疏序

夫樂邦之與苦域金寶之與泥沙胎隸之望華池棘林之比瓊樹
誠由心分垢淨見兩土之升沈行開善惡覩二方之麗妙喻形端
則影直源濁則流昏故知欲生極樂國土必修十六妙觀願見彌
陀世尊要行三種淨業然化因事漸教藉緣興是日闍王殺逆韋
提哀請大聖垂慈乘機演法曜玉相而流彩登珍臺而顯瑞雖廣
示畛域而宗歸安養使末俗有緣遵斯妙觀落日懸鼓用標送想
之方大水結冰實表琉璃之地風吟寶葉共天樂而同繁波動金

渠將契經而合響、觀肉髻而瞻侍者、念毫相而覩如來、及其瞑目告終、上珍臺而高踊、文成印壞、坐金蓮而化生、隨三輦而橫截、越五苦而長驚、可謂微行妙觀、至道要術者哉。

釋藏法字十號

立制法序

夫新衣無孔、不可補之、已縷、宿植滴善、不可加之、已罰、吾初在浮度、中處金陵、前入天台、諸來法徒、各集道業、尙不須輒語勸進、況立制肅之後、入天台觀乎、晚學如新猿馬、若不控鎖、日甚月增、爲成就故、失二治一、蒲鞭示恥、非吾苦之、今訓諸學者、略示十條、後若妨起、應須增損、眾共裁之。

釋藏起口口國清百錄口

唱法華經題讚引

法門父母、慧解山生、本迹宏大、微妙難測、輟斤絕絃、于今日矣、聽無量壽竟讚

四十八願莊嚴淨土、華池寶樹、易往無人

續高僧傳二十一

訓知事人

吾少嬰勤苦、備歷艱關、遊學荆揚雍豫、唯著一納、三十餘年、冬夏不釋體、上至天子、下至士民、雖有所施、受而不私、一果一縷、人眾已後、尚不希念、況故侵之所、自然者、眾寶尊重、若能增益、名甘露苑、若有滅損、卽疾黎國、自飽自傷、因倒因起、可目意得、何俟多言、夫人發心、隨有所作、爲讀誦聽學、講說經行、懺悔供養、捨力未有首尾、慎莫中止、中止者、違本心、若再有所作、至前止處、畱難卽起、修業不成、今生現障、後彌障道、此行人大忌、應須竭力、善始令終、業旣坦然、報亦圓滿、此亦可意得、昔有一寺、師徒數百、晝夜禪講、時不虛過、有淨人竊聽說法、聞已用心、每揚簸淘汰、繫念有習、謂已淨心、揚簸不善、已禪淨水、淘汰不盡、隨有所作、念念用心、一時執爨、觀火燒薪、念念就盡、無常遷逝、復速于是、躡踞竈前、寂然入定、火滅湯冷、維那懼廢眾粥、曰、白上座、上座云、此是勝事、眾宜忍

之慎勿驚觸聽其自起數日方覺往上座所具陳所證敘法轉淦上座止曰爾向所言皆我境界而今所說非我所知勿復言也因而顧問頗知宿命不答云薄知又問何罪爲賤何福易悟答云此賤身者前世之時乃是今日徒眾老者之師亦是少者之祖師徒眾所學皆昔所訓爾時多有私客恆制約不敢侵眾然有急客輒取小菜忘不陪備由此譴責今爲眾奴前習未欠薄修易悟宿命罪福其事如是一眾聞此悲不能勝鑑鏡若斯豈可不慎同學照禪師于南嶽眾中苦行禪定最爲第一輒用眾一撮鹽作齋飲所侵無幾不召爲事後行方等忽見相起計三年增長至數十斛急令陪備仍賣衣資買鹽償眾此事非久亦非傳聞宜召爲規莫令後悔吾雖寡德行遠近頗相追尋而隔嶺難爲徒步老病出入多召眾驢迎送此是吾客私計功醕直令彼此無咎吾是眾主驢亦我得既捨人眾非復我有我不合用非我何言舉此一條餘事皆

爾國清
百錄

發願文

吳縣維衛迦葉二像願更聚合修復

鄭縣阿育王塔寺續毀願更修治

鄭縣十丈彌勒石像金色剎壞願更莊嚴

右三處功德乞修沙門某敬白稽首和南三世諸佛伏惟法身無
像隨機顯現淨土不毀人眾見燒泥瀆浮來靈塔地涌剎山天樂
通夢陸咸三處尊儀表代三世慈根善力利益斯土但年湮歲
聖跡凌遲諸佛影像若淪眾生善根無寄謫宿世有幸忝預法門
德行輕微功業無取謬爲道俗所知願影羞躬無已自處上慙三
寶無與顯之能下愧羣生少提拔之力刻骨刻肌將何所補幸值
明時棟梁佛日願藉皇風又承眾力將勸有緣修治三處先爲興
顯三世佛法次爲擁護大隨國土下爲法界一切眾生若塔像莊

嚴則紹隆不絕、用報佛恩。若處處光新、國界自然、殊特妙好、則報
至尊水土之澤。若見聞者發菩提心、則利益一切、種出世業。但久
域此心、緣障未果。此際起期、西出氣疾、增動毒器、坯瓶固非、保惜
先召身命、奉給三寶、謹聽威神。若形命停畱、能生物善、不汙佛法
者、伏聽使乞早除差、行願速圓。若命雖未盡、方多魔障、損物善根、
汙亂佛法者、豈須停世、願早灰滅。滅後已諸誓願、付囑後人、使經
紀修立、乞三寶加建、速得圓滿。前于佛隴、金光明道場、已發此願、
今重于石尊、再述愚誠、伏願聖凡、重垂攝受、謹疏、開皇十七年十

一月二十一日

釋藏起三國
清百錄三

賜進士出身三品銜廣東等處提刑按察使司按察使兼管驛傳事務黃岡王觴藻校刊

全隋文卷三十二終

全隋文卷三十三

烏程嚴可均校輯

釋氏

釋彥琮

彥琮俗姓李，趙郡柏人人。初名道江，齊武平中爲都講。入周，更名。隋開皇中，召住大興善寺，又住日嚴寺。大業六年卒。

福田論

昔在東晉，太尉桓玄議令沙門敬于王者。廬山遠法師高名碩德，傷智憊之欲折，悼戒寶之將沈，乃作沙門不敬王者論，設敬之儀。當時遂寢，然已緝詞隱密，援例杳深。後學披覽，難見文意。聊因暇日，輒復申敘，更號福田論云。忽有嘉客來自遠方，遙附桓氏，重述前議。主人正念久之，抗聲應曰：客似未聞福田之要。吾今相爲論之。夫云福田者，何耶？三寶之謂也。功成妙智，道登圓覺者，佛也。玄

理幽寂、正教精誠者法也、禁戒守真、威儀出俗者僧也、皆是四生
導、六趣舟航、高拔天人、重踰金石、譬乎珍寶、劣相擬議、佛已法
主、標宗、法已佛師、居本、僧爲弟子、崇斯佛法、可謂尊卑同位、本末
冥門、語事三種、論體一致、處五十之載、弘八萬之典、所說指歸、唯
此至極、寢聲滅影、盡雙林之運、刻檀書葉、留一化之軌、聖賢間起、
門學相成、和合爲羣、住持是寄、金人照于漢殿、像法通于洛浦、竝
宗先覺、俱襲舊章、圖方外而發心、棄世間而立德、官榮無已、動其
志、親屬莫能累其情、衣則截于壞色、髮則落于毀容、不戴冠而作
儀、豈束帶而爲飾、上天之帝、猶恆設禮、下土之王、固常致敬、有經
有律、斯法未殊、若古若今、其道無滯、推帝王之重、亞神祇之大、八
荒欽德、四德歸仁、僧尼朝拜、非所聞也、如懷異旨、請陳雅見、客曰、
周易云、天地之大德曰生、聖人之大寶曰位、老子云、域中有四大、
王居一焉、竊已莫非王土、建之已國、莫非王臣、繫之已主、則天法

地覆載兆民、方春比夏、生長萬物、照之曰日、月之光、潤之曰雲、雨之氣、六合則咸宗如海、百姓則共仰如辰、戎夷革面、馬牛迴轡、蛇尙荷于隋侯、魚猶感于漢帝、豈有免其編戶、假其法門、忘度脫之寬仁、遺供養之弘造、高大自許、卑恭頓廢、譬諸禽獸、將何別乎、必能駕御神通、得成聖果、道被天下、理在言外、然今空事剷除、尙增三毒、虛改服飾、猶染六塵、戒忍弗修、定智無取、有乖明誨、不異凡俗、詎應恃宣讀之勞、而抗禮萬乘、藉形容之別、而闕敬一人、昔比丘接足于居士、菩薩稽首于慢眾、斯文復彰、厥趣安在、如呂權道難治、佛性可尊、況是君臨、固非神降、伯陽問萬齡之範、仲尼敷百王之則、至于謁拜、必遵朝典、猶有沙門、敢爲陵慢、此而可忍、孰可容乎、弊風難革、惡流易久、不遇明皇、誰能刊正、忽起非常之變、易招無信之譏、至言有憑、幸垂詳覽、主曰、吾所立者內也、子所難者外也、內則通于法理、外則局于人事、相望懸絕、詎可同年、斯謂學

而未該聞而不洽于之所惑吾當爲辨試舉其要總有七條無德
不報一也無善不懾二也方便無礙三也寂滅無榮四也儀不可
越五也服不可亂六也因不可忘七也初之四條對酬難意後之
三條引出成式吾聞天不言而四時行焉王不言而萬國治焉帝
有何力民無能言成而不居爲而不恃斯乃先王之盡善大人之
至德同寔庶類齊預率賓幸殊草木差非蟲鳥戴圓履方俯仰懷
惠食粟飲水飽滿銜澤既能矜許出家慈聽入道斷羶業于已往
祈妙果于將來既蒙重惠還思厚答方悲萬善之益豈在一身之
敬追已善荅攝報乃深徵已身敬收利益蓋淺良已僧失正儀俗滅
餘慶僧不拜俗佛已明言若知可信理當遵立知謂難依事應除
廢何容崇之欲求其福卑之復責其禮卽令從禮便同其俗猶云
請福未見其潤此則存而似棄僧而類民非白非黑無所名也竊
見郊禋總祭唯存仙福爲尊僧尙鄙斯不恭如何令僧拜俗天地

可反斯儀罕乖後更爲敘是謂無德不報者也法旣漸衰人亦稍
末罕有其聖誠如所言雖處凡流仍持忍鎧縱虧戒學尙談智典
如塔之巖似佛之尊歸之則善生毀之則罪積猛已始發割愛難
而能捨弘願終期成覺迴而能趣斯故剃髮之辰天魔遙懾染衣
之日帝釋遙懽妓女聊被無漏遂滿醉人暫翦有緣卽結龍子賴
而息驚象王見而止怖威靈斯在儀服是同幼未受具對揚佛旨
小不可輕光揚僧力波離旣度釋子服心尼陀亦歸匿王屈意乃
至若老若少可師者法無賤無豪所存者道然後賢愚之際默語
之間生熟相似去取非易肉眼分別恐不逢寶信心平等或其值
真纒滿四人卽成一眾僧旣弘納佛亦通在食看沸水之異方遣
施僧衣見織金之奇乃令奉眾僧之威德不亦大矣足可目號良
福田之最爲聖教之宗是謂第二無善不攝者也若論淨名之功
早升雲地卧疾之意本超世境久行神足咸歎辯才新學頂禮誠

謝法施事是權宜式非常準、謂時暫變、其例乃多、則有空藏弗恭、如來無責、沙彌大願和尚推先、一往直觀、悉可驚怪、再詳典釋、莫匪通塗、不輕大士、獨興高跡、警彼上慢之流、設茲下心之拜、偏行一道、直用至誠、既非三慧、詎是恆式、因機作法、足爲希有、假弘教化、難著律儀、大聖發二智之明、制五篇之約、廢其爵齒、存其戒夏、始終通訓、利鈍齊仰、耆幼有序、先後無雜、未已一出別業、而令七眾普行、不然之理、分明可見、昔妻从歌而鼓盆、子葬嬴而視土、此亦匹夫之節、豈槩明王之制乎、况覽典冲邃、聖言幽密、局執一邊、殊乖四辯、是謂第三方便無礙者也、且復周之柱史、久掌王役、魯之司寇、已居國宰、宗歸道德、始曰無名、訓在詩書、終云不作、祖述堯舜、憲章文武、鞠躬恭敬、非此而誰、巢許之風、望古仍邁、夷齊之操、擬今尙迴、焉似高攀十力、遠度四流、厭斯有爲之苦、欣彼無餘之域、不繫慮于公庭、未流情于王事、自然解脫、因異儒者之侍矣、

是謂第四寂滅無榮者也。至如祭祀鬼神、望秩川嶽、國容盛典、書契美談、神輩爲王所敬、僧猶莫致于禮。僧衆爲神所禮、王益反受其敬。上下參差、翻爲正法。衣裳顛倒、何足相方。令神擁護、今來在僧。祈請之至、會開呪力、竟無拜理。是謂第五儀不可越者也。本皇王之奮起、必眞人之託生。上德雖祕于淨心、外像仍標于俗相。是曰道彰緇服、則情勤宜猛、業隱玄門、則形恭應絕。求之故實、備有前聞。國主頻婆父王、淨飯昔之斯等、咸已克聖、專修信順。每事歸依、縱見凡僧、還想崇佛。不曰跪親爲孝、計非不孝之罪。不曰拜君爲敬、豈是不敬之愆。所法自殊、所法已別、體無混雜、制從于此。是謂第六服不可亂者也。謹案多羅妙典、釋迦眞說、乃云居刹利而稱尊、藉般若而爲護。四信不壞、十善無虧。奉佛事僧、積功累德。然後日精月像之降、赤光白氣之感。金輪既轉、珠寶復懸。應天順民、御圖握鏡。始開五常之術、終弘八正之道。亦宜覆觀宿命、追憶往

固敬佛教而崇僧寶、益戒香而增慧力、自可天基轉高、比梵宮之
遠大、聖壽恆固、同劫石之長久、然則雷霆勢極、龍虎威隆、慶必賴
兼、共使怒及、出言布令、風行草偃、旣抑僧體、誰敢鱗張、但恐有損
冥功、無資盛業、竭誠盡命、如斯而已、是謂第七因不可忘者也、上
已略引吾意、粗除子惑、欲得博聞、宜尋大部、客曰、主人向之所引
理、別類繁、僕雖庸闇、頗亦承覽、文總幽明、辨包內外、所論祭典、尙
有迷惑、周易云、一陰一陽之謂道、陰陽不測之謂神、竊曰、昧隱神
路、隔絕人境、欲行祠法、要藉禮官、本置太常、專同太祝、縱知鬼事、
終入神伍、眞佛已潛、聖僧又滅、仰信冥道、全涉幽神、季葉凡夫、薄
言迴向、共規閒逸、相學剝竊、職掌擅會、所已加其法衣、主守塔坊、
所已蠲其俗役、纔觸王綱、卽墜民貫、旣同典祀、詎合稱寶、朝敬天
子、固是恆儀、苦執強梁、定非通識、宋氏舊制、其風不遠、唯應相襲、
更欲何辭、主人曰、客知其一、未曉其二、請聽嘉言、少除異想、吾聞

鬼者歸也。从之所入。神者靈也。形之所宗。鬼劣于人。唯止惡道。神勝于色。普該情趣。心者靈智。稱之曰神。隱而難知。謂之不測。銓其體用。或動或靜。品其性欲。有陰有陽。周易之旨。蓋此之故。殊塗顯于一氣。誠言闕于六識。設教之漸。斷可知焉。鬼報冥通。潛來密去。標曰神號。特用茲耳。嘗試言之。受父母之遺稟。乾坤之分。可曰存乎氣。可曰立乎形。至若己之神道。必是我之心業。未曾感之于乾坤。得之于父母。識含胎藏。彌互虛空。意帶熏種。漫盈世界。去而復生。如火燄之連出。來而更逝。若水波之續轉。根之莫見其始。究之豈覩其終。濁之則爲凡。澄之則爲聖。神道細幽。理固難詳矣。神之最高。謂之大覺。思議所不得。名相孰能窮。真身本無遷謝。生盲自不瞻睹。託想追于舊蹤。傾心翫于遺法。若欲荷傳持之任。啓要妙之門。賴此僧徒。膺茲佛付。假慈雲爲內影。憑帝威爲外力。玄風遠及。至于是乎。教通三世。眾列四部。二從于道。二守于俗。從道則服。

賦下脫子
字何下
錯字衍

像尊儀守俗則務典供事像尊謂比丘比丘尼也典供謂優婆塞
優婆夷也所像者尊則未參神位所典者供則下預臣煩原典供
之人同主祭之役吾非當職何錯錯引由子切言發吾深趣理既
明矣勿復惑諸在宋之初暫行此抑彼亦乖真不煩涉論邊鄙風
俗未見其美忽遺同之可怪之極客曰有旨哉斯論也蒙告善道
請從退歸廣弘明集二十五

通極論并敘

原夫隱顯二途不可定榮辱真俗兩端孰能判同異所曰大隱則
朝市匪謫高蹈則山林無悶空非色外天地自同指馬名不義裏
肝膽可如楚越或語或默良踰語默之方或有或無信絕無有之
界若夫雲鴻震羽孔雀謝其遠飛淨名現疾比丘憚其高辯發心
卽是出家何關落髮棄俗方稱入法豈要抽簪此卽染淨之門權
實而莫曉倚伏之理吉凶而未悟遂使莊生宗齊一之論釋子說

會三之旨、大矣哉、諒爲深遠、實難鉤致、竊聞陰陽合而萬物成、鹹
淡和而八珍美、何廢四時恆序、五味猶別、曰此言之、豈眞俗之混
淆、隱顯之云異、或有寡聞淺識、則欲智凌周孔、微庸薄宦、便將位
比帝王、強自大曰立身謂一人而已矣、不信有因果、遂言無佛法、
輕毀泥□、賤懷沙門、愚襲腐儒、戲招冥禍、或有始除俗服、狀如德
冠天人、纔掛僧名、意似聲高、海域傲然尊處、詳爲極聖、豈知十纏
猶障、三學靡聞、不隨機而接物、竟抱愚而自守、悲夫、二子殊途、一
何踏駁、高懷達士、孰可然哉、冀欲解紛挫銳、假設旗鼓、雖復俱有
抑揚、終曰道爲宗致、其猶五色綺錯、近須彌而會同、萬像森羅、依
虛空曰總集、歸根自芸芸之物、吞穀實茫茫之海、斯誠光贊于佛
道、述獎于玄門、庶令無我無邪、允謙允敬、式貽後進、論之云爾、
有梵行先生者、高屏塵俗、獨栖丘壑、英明逸九天之上、志氣籠八
紘之表、藉茅枕石、落髮灰心、糞衣殊羊續之袍、繩牀異管寧之榻、

自隱淪西嶽數十年矣。確乎不拔。澹然無爲。每自歎曰。窮則獨善其身。達則兼濟天下。但蒼生擾擾。繫日愛羅。不可自致。清昇坐觀塗炭。復須棄置林藪。分衛人閒。于是屈蹟暫遊。方踐京邑。次于灊上。有行樂公子者。控龍媒于流水。飛鶴蓋于浮雲。繡衣侯服。薰風合氣。璫勒金鞍。爭先炫日。定知擲果之愛。是屬潘生。割袖之寵。已迷漢帝。接軫城隅。陪曹王之席。連鑣池側。追山公之賞。道逢先生。怪而問曰。先生貌若燕趙之士。髮如吳越之賓。容色似困陳蔡衣製。不關楚魯。徐行低視。細語顰眉。瓦鉢恆持。無異顏回之瓢器。錫音乍振。何殊原憲之藜杖。此地未之覩。我嘗所不聞。敢問先生何方而至。先生靜默良久。徐而對曰。觀子馳騁于名利。荒昏于色聲。載天猶不測其高。履地尙不知其厚。吾聞坎井之內。本無吞舟之鱗。榆枋之間。詎有垂雲之翼。吾非子之徒歟。其可識乎。試當爲子言之。幸子暫留高聽。吾師也。德本深構。樹自三祇之初。妙果獨高。

成于百劫之末、總法界而爲智、竟虛空以作身、蓋應氣稟二儀、道周萬物而已、斯故身無不在、量極規矩之外、智無不爲、用絕思議之表、不可言人事測、豈得言處所論、將啓愚夫之視聽、須示眞人之影蹟、其猶谷風之隨嘯虎、慶雲之逐騰龍、感應相招、抑爲常理、于是降神兜率之宮、垂象迦比之域、氏曰瞿曇、種稱刹利、俗名悉達、道字能仁、乃白淨王之太子也、家世則輪王迭襲、門風則聖道相因、地中三千、旣殊于維岳、國朝八萬、有踰于稽嶺、宗親藉甚、孰可詳焉、暨吾師生也、坤形六動、方行七步、五淨雨華、滿國二龍、灑水徧空、神瑞畢臻、吉徵總萃、觀諸百代、曾未之有、然復孕異堯軒、產殊禹偁、至如黑帝入夢之兆、白光滿室之徵、徒曰嘉祥、詎可擬議、身邊則金色一丈、眉間則白毫五尺、間叱字于目前、躡千輪于足下、大略言、三十有二、非可言龍顏虎鼻、八采雙瞳、方我妙色、校其昇降者也、雖復呂公之相高帝、世謂知人、若譬私陀之視吾

師未可同日。于是崇業大寶正位少陽。甲觀洞開。龍樓迴建。至如多才多藝。允文允武。非關師保。自因天骨。或于太子池臨泛之辰。博望苑馳射之際。力格香象。氣冠神功。試論姬發。曹丕莫之與擬。漢盈夏啓。寧足涉言。父王宿衛甚嚴。喻視彌篤。九重禁闥。聲聞則四十里。三時密殿。姬麗則二萬人。然目道性恬凝。志願沖固。雖居三惑之境。不改一心之節。歷王城之四門。哀老病之三苦。乃自嗟曰。人生若此。在世何堪。脫屣尋眞。其于斯矣。于時桃則新花落雨。青春始仲。月則半輪低閣。永夜方深。觀妓直之似橫屍。悟宮闈之如敗冢。天王捧白馬而踰城。給使持寶冠而詣闕。雖復秦世蕭史。周時子晉。許由洗耳于箕山。莊周曳尾于濮水。方茲去俗。何其蔑如。是呂仙林。始抽簪之地。禪河起苦行之蹟。沐金流之淨水。遊道場之吉樹。食假獻糜。座因施草。于是十方智圓。六通神足。魔兵席卷。大業剋成。獨稱爲佛。是吾師也。法輪則奈國初轉。僧侶則憍陳

始度至于迦葉兄弟、目連朋友、西域之大勢、東方之徧吉、二十八天之主、一十六國之王、莫不服道而傾心、餐風而合掌、于是他化宮裏、乃弘十地、耆闍山上、方會三乘、善吉談無得之宗、淨名顯不言之旨、伏十仙之外道、制六羣之比丘、曾前則吐納江河、掌內則搖蕩山谷、論劫則方石屢盡、辯數則微塵可窮、斯乃三界之大師、萬古之獨步、吾自庸才、談何日盡、縱使周公之制禮作樂、孔子之述易刪詩、子賜之言語、商偃之文學、爰及左元放、葛孝先、河上公、柱下史、竝驅馳于方內、何足道哉、自我含靈、福盡法王斯逝、遂使北晉提河、春秋有八十矣、應身粒碎、流血河追、爭決最後之疑、競奉臨終之供、嗚呼智炬消、慈雲滅、長夜諸子、誠可悲夫、于是瞻相好于香檀、記筌蹄于貝葉、三藏受持、四依補處、而我師風無墜、特恃斯乎、但世道紛華、羣情矯薄、人代今古、暨于像運、既當徂北、稍復東漸、所召金人、夢劉莊之寢、塵騰竹蔡、惜之勸、遺教之流、漢地

創發此焉。迄今五百餘年矣。自後康僧會竺法護佛圖澄鳩摩什
繼踵來儀。盛宣方等。遂使道生道安之侶。慧嚴慧觀之徒。並能銷
聲挂冠。翕然歸向。緇門繁熾焉。可勝道。吾少長山東。尙素王之雅
業。晚遊關右。慕黃老之玄言。俱是未越苦河。猶淪火宅。可久可大
其唯佛教也歟。遂乃希前代之清塵。仰羣英之遠迹。歸斯正道。拔
自沈泥。本號離欲之逸民。擢邠之大將。吾之儔黨。其謂此乎。公子
盛頴而言曰。觀先生之辯。雖可談天。然其所說。何太虛誕。竊尋佛
本啓化之辰。當我宗周之運。自云娑婆總攝。靡所不歸。或復光照
無際。聲振有頂。或復八部雲臻。十方輻湊。計天竺去我十萬里餘。
俱在須彌之南。并是閭浮之內。邇忽此閒土庶。無至佛所。如來亦
何獨簡。不賜餘光。弗生我秦漢。靡載我墳籍。詳此二三。疑惑逾甚。
僕聞貞不絕俗。隱不違親。所目和光于塵裏。披逆于火內。至若束
帶垂纓。無妨修德。留鬚長髮。足可閒居。且道本虛通。觸無不是。何必

絕棄于冠簪、專在于錫鉢、竊曰不傷遺體、始著孝心、莫非王臣、終從朝命、今旣赭衣髡髮、未詳其罪、不仕天子、無乃自高、敢諮先生請當辯析、先生曰、吾聞大音不人于俚耳、其驗茲乎、僧欲目寸管窺天、小螺量海、而我法門復出、非吾子之能極、吾且仰憑神力、更爲言之、吾師化道含弘、靈鈞遠被、但眾生緣薄、自爲限礙耳、何關佛威之不大、聖澤之無均、其猶日月垂象麗天、雷霆發音動地、而簡于雙簪、豈充微聲小者哉、然佛遊舍衛、有餘二紀、三億之家、猶不聞見、何怪邊地十萬里乎、竊曰、周孔之生、本惟華夏之邑、夷狄不信其理、何邪、至于東方朔之升天、淮南王之入錄、然乘鸞排霧、世有其人、欲不長于神仙、猶密之而弗載、寧解味吾師之道術、書之于惇史乎、況值秦皇焚典、經籍不全、何容守此局文、遂無大見、然有惑彼正真、甘茲隨俗、未悟身之非潔、豈達命也無常、服翫則數重不止、慳貪則一毛難落、屑屑頑民、可悲之甚、吾已無保于形

骸誰有營于炫好、鬚髮既剪、我心自伏、衣惟壞色、愛情何起、所已
五綴而持想、六時而繫念、蕭然物外、是曰逆流、竊聞夏禹疏川、則
有勞手足、墨翟利物、則不怙頂踵、殺身已成、仁餓死而存義、此竝
有違于大孝、然猶盛美于羣書、養性棲玄、立身行道、方欲廣濟六
趣、高希萬德、豈學子拘之于小節、顧在膚髮之間哉、扇逐榮名、餘
事從北面之朝也、其若效淺祿微、唯勞諾走、無暇功、高位極、常懼
危溢不安、千仞棄珠、一何賤寶、但火內之蓮、非吾所發、染而不染、
何爾能知、公子曰、先生強誇華已飾、非護牆茨而不埽、請聽逆耳
之篤論、略條其弊也、四馬僕聞、玉樹不林于兼葭、威鳳不羣于燕
雀、先生道雖微妙、門人獨何庸猥、或形陋族微、或類卑神闇、無三
端可已、參多士、無十畝可已、爲匹夫、憧王事之不閒、恥私門之弗
立、寄逃役于佛寺之內、纔容身于法服之下、見人不能敘寒溫、讀
經不解立正義、空知高心于百姓、背禮于二親、非所已自榮、其弊

一也。僕聞采椽土階之儉，唐堯之所已；字民瓊室玉臺之盛，商辛之所已。敗俗況如來行，惟少欲德本大悲，只應宴坐于冢閒。經行于樹下，何宜飾九層之刹，建七寶之臺？不愍作者之勞，不慚居者之逸，非所已。自約其弊二也。僕聞無自伐功，老聃之極教；不讚己德，唯佛之格言。勞謙則君子終吉，克謙則聖人尙美。必若內德克盛，自然外響馳應，賓侶坐致揄揚，豈況佛心澄靜，亡諸得失之咎？如何獨許世尊之號，不欲推人？然彼羣經莫二之宗，各談第一之稱，自生矛盾，將何已通？非所已。自遜其弊三也。僕聞情存兩寶，心慎四知。方曰通人之雅懷，廉士之高節，或散之于宗族，或棄之于山水，況立道清淨，反俗沙門，而復縱無厭之求，貪有爲之利，勸俗人則令不畱髓腦，論賤施則便無讓分毫，或勝費經過，或上客至止，不將虛心而接待，先陳出手之倍數，此乃有識之同疾。海內之共知，非所已。自廉其弊四也。僕直言雖苦，可爲藥石，惟先生高見。

覽呂詳之先生曰吾子不肖何謂道邪子但好其所已同寧知其
所已異徒欲圯毀未損金剛吾道弘遠豈可輕矣吾聞萬機斯總
聖皇所已稱大百川是納巨壑所已爲深王則不恥于細民海則
無逆于小水況吾師大道曠無不濟有心盡攝未簡怨親自當品
戒德之小大混族類之高下故有除糞庸人翻涉不生之位應書
貴士倒墜無閒之獄內祕難識外相孰知子何自擅爲銓衡吾未
相許爲水鏡若但已貌取人失之遠矣遂使叔向伏醜蔑之語長
者悟沙彌之說且復窮通有運否泰無恆或始榮而後辱或初微
而後盛異轍紛綸可略言也至如立錐無地非慕堯舜之德餘苗
不紹豈傳湯武之聖詎知吞併六國其先好馬牧人約法三章則
唯亡命亭長樊灌起販屠之肆伊呂出廚釣之閒歷代因循高門
相襲遂爲四海強族五陵貴氏冠冕陵雲風流蓋世暨若朝陽晡
露素皁隸之難留宿草負霜混螻蟻之莫別是知用與不用虎鼠

何常尋末窮本人倫一槩耶忽輕已乘軺蔑茲甕牖雖復才方周
且亦何足觀嘗試言之朝市虛煩身心空弊智者同棄賢人共鄙
但覺斯懷之可入所已避地而歸來吾則厭來苦而知昨非子便
耽往欲而惑今是寧自安貧樂道少賤多能奚用太廟之犧牲豎
子之烹雁吾今素質自居默念無雜不假導于仁義豈亂想于繁
華固亦騎遺牝牡自忘寢膳詎守寒溫之小木音義之薄伎修心
可已報德何局定省之儀弘化可已接引寧止俯仰之事此吾所
謂一勝也吾師空間樂處不唯聚落輕微務納豈獨珠璣是已棲
形五山遊神三徑或受童土或餐馬麥讚淨心之小施譏雜相之
多捨庶令藉此而建善根因茲而表誠信斯自束修大體供養恆
式豈佛身之欲須乃舍生之達志便已凡俗難悟僞嫉未除競獻
名寶利收多福所已玉槃高糾掩日聳于半天繡幃飛甍連雲被
于寓內爭名好尚善將焉在著相寡識遂及乎斯雖垂至真之理

足感榮華之樂、生民唯此爲功、如來亦何抑說、此吾所謂二勝也、吾聞談無價之奇寶、冀欲拯貧、讚不死之神香、只將愈疾、但眾生信邪巫之狂藥、捨正覺之甘露、固毒已深、懷迷自久、吾師之出世也、本許救濟爲功、知我者希、無容緘默、使物識真、已迴向、何是非而自取、若夫二佛不竝于世、兩日不共于天、厥號無等、庶弘至教、非如君子之小聖、事謙讓之風者、已然至理同歸、逐情異說、是經稱最、各應宜聞、此吾所謂三勝也、吾聞不遘四民之利、莫致百鎰之金、但大患未亡、有待須養、吾稱乞士、則受之、已知足、子名施主、則傾之、已國城、何容責我之貪、非不自揣己之慳、蔽是驗、分財相得、獨應管鮑乎、吾聞天王武庫、出給尙不由臣下、況吾師福物、取與靈獨任凡僧、本雖四輩而來、今屬三寶而用、爲道興供、義乖行福、既爲十方常住、非曰私擬諸己、自專則法律不許、請眾則和合無由、不知子何德、已能銷、吾何情而敢擅、只懼我之同咎、豈欲貪

利者哉。竊曰粒重七斤投水則煙火騰沸飯餘一鉢與人則羣類
充滿佛猶無憐于飢犬豕有惜于餓鳥是知輒用固已招德迴施
許而獲益真是眾生之薄福則非吾師之褊心至如餓鬼不覩川
流病人弗覺美味罪關于餓病豈流味之無也竊聞功臣事主粟
帛不次而酬勳明主責躬蒼旻不言而效德子弗能自慨之無感
專誦吾師之不惠持此饗餐何旨爲人至若鄭侯傾產于交遊田
君布心于賓客空規豪蕩之聲勢詎擬福田而推揚此吾所謂四
勝也吾雖言不足而理有餘子但驚所未聞惑于所不見吾之所
說子可悟矣公子曰先生雖高談自雪終類守株所論報應何其
悠眇僕聞間闌混元分割清濁薄滄異氣愚聖派流至如首足之
方圓翔潛之鱗羽命分修短身名寵辱莫非自然之造化詎是宿
業之能爲竊見景行不虧天身世而嬰禍狂勃無禮竟天年而享
福遭墮若斯因果何驗且氣息則聚生散舛形神則上歸下沈萬

事寥廓百年已矣何處天宮誰爲地獄庸人之所信達士未之言先生猶或繫風請更量也先生曰公子辯士哉見何庸淺所談不踰百世所歷無越八荒詎能曉果報之終期察因緣之本際不可局凡六識罔聖三明者也吾聞播殖百穀非獨水土之功陶鑄四生詎止陰陽之力既有根于種類亦無離于集起竊見或體合夫妻子孫不孕或身非鰥寡男女莫均至于螢飛蟬化蜂巢蟻卵非構兩精之產豈從二藏之妊若但稟之于乾坤人亦奚賴于父母一須委運慈孝何歸是知因自參差果方環互支分三報星羅萬品或今身而速受或來世而晚成此理必然亦何而朽竊曰賞罰不濫王者之明法罪福無舛業道之大功政治則五刑罰祿位賞幽祇則三塗罪人天福目前可召爲鑒誠豈伊吾之構虛論哉子未陷囹圄誰信有廷尉不遊岱宗便謂無鬼府但善惡積成則殃慶有餘彼之茂典爾所未悉至如疏勒涌泉之應大江橫石之感

羊公白玉郭巨黃金、鵲標鮑宣之馬、珠降喻參之鶴、爰及宣王之崩于杜伯、襄公之懼于彭生、白起甘外之徵、李廣不侯之驗、陸抗歿則遣後、郭恩禍則止身、斯甚昭著、孰言冥杳、雖有知無知、六經不說、然祭神祭鬼、三代攸傳、必也从而寂寥、何求存亡、仁行無害、棄儒墨之小教、失幽明之大理、予可惜良才、大甚愚僻、早須歸悔、體我眞言、公子曰、先生雖懸河逸辯、猶有所蔽、僕聞天生蒸民、剛柔爲匹、所曰變化形器、含養氣靈、婚姻則自古洪規、嫁娶則列代恆禮、罪惡不關于子盾、道亦無礙于妻妾、遂使善惡許賣華之約、妙光納施珠之信、眾香六萬、尚曰法師、毗耶二千、猶名大士、何獨矚茲仇偶、擁此情性、亢龍有悔、其欲如之、品物何已生、佛種誰因續、此先生之一蔽也、僕聞猛獸爲暴民之業、毒蟲含傷物之性、所曰順氣、則秋獮除害、則夏苗、天道之常、何罪而畏、至如牛豕充犧、羔雁備禮、運屬厨人之手、體葬瘞賓之腹、本天所生、非此焉用、然

復鳥殘自舛虎聽內律如何闕養形命空作土塵此先生之二蔽也僕聞天劉箕星地安泉郡酒之爲物其來尚久銷愁適性獨可茲乎所旨嵇阮七賢興情于斗石之量助華兩聖盛德于鍾壺之飲管則藉此而談玄于則因茲而斷欲聞諸往哲未嘗不醺但自持之于禮何用阻眾獨清此先生之三蔽也僕聞八政著民天之食五味資道器之身降茲呼吸風霞餌飲芝露敢爲生類罔弗由之自可飽食用心無廢于道業何假持齋倦力有乏于勤修此先生之四蔽也先生若改斯蔽僕亦慕焉先生曰吾聞剛強難化固當爾耳子之蔽乎自不知其蔽吾之通也子豈識其通由此觀之未可與言道也竊曰鄙言無遜尙避至親邪行不仁猶慚先達然其男則纔離襁褓羨雙飛曰求娶女則僅辭乳哺怨空房而感情苟貪小樂公行世禮積習生常混然誰怪此而無恥尤類鴉鵲勿將羣小之制婚敢非高尙之敦雅且婚者昏也事寄昏成明非昌

顯之裁範。諒是庸鄙之危行。獨有展禽柳下之操。可曰鴈泥夫。彭祖獨臥之術。可曰養和性。斯固播之于良書。美之于方策。況乃吾師之成教也。弘淨行之宗經。豈復順彼邪風。嬰茲欲網。將出六天之表。猶無攜妓妾。旣超四空之外。焉可挾友孥。唯有二果白衣。繫業通誅。一床居士。精而難混。但品物之生。自有緣託。何必待我之相配。方嗣于吾師。獨不聞同一化生。士無女業。咸屏四大。法喜資形。此吾所謂一通也。吾聞生死去來。本方步蟻。顯晦上下。無異循環。業之所運。人畜何準。是曰衛姬。蜀帝之徒。牛哀伯奇之類。狐爲美女。狸作書生。抑亦事歸難思。豈易詳也。竊曰持戒無畏。鬼龍含德。不懼蜂蠆。怖鴿投影。猛虎越江。我善則報之曰明珠。人惡則應之曰毒氣。諒由息之生殺。豈禽獸唯害物邪。雖復飛走別形。惜身莫異。輪迴無始。誰非所親。恕已爲喻。亦何不忍。詎可宰有生之血肉。充無用之肌膚。至若外而歸土。物我同致。所曰黃不食。龜孔猶

覆醢況吾仁慈之隱惻孰甘美于肥鮮但五律漸開雙林永制此
吾所謂二通也吾聞酒池牛飲著乎在箴雖百六數窮亦亂國斯
起三十五失抑有由之但令身酩酊是焉可驗來生幽暗將復何
已至如文舉之罇不空玄石之腹難悟蓋惟耽酒之狂客曷可已
論至道哉但使深酣則過多微醺則愆薄欲言飲而無失未之有
也往賢之所嚴戒良曰此乎縱不關物命亦無宜舉酌此吾所謂
三通也吾聞戒自禁心齋唯齊志可謂入道之初行教民之本法
但支立而已身亦何知若縱情嗜欲終爲難滿所自節限二時足
充四大覺驕螳之附後見野狼之對前危亡之期既切飢渴之情
遂緩自忻道勝而肥何嗟食短而倦竊曰帝王之祠宗廟夫子之
請伯陽猶須絕味辛葷清居齋室泥吾欲亡身而訪道寧復畱心
于美膳者哉此吾所謂四通也莫謂子所不能謂吾爲蔽吾之所
辯幸子擇目從之公子于是接足叩頭百體皆汗魂飛膽喪五色

無主既如料虎復似見龍悅焉若狂莫知所對先生摩頂勞曰吾
唯慙物子何怖邪公子稍乃自安泣而對曰僕本生下邑無聞大
覺之名稟性疏野翻躋外邪之見不遇先生幾將禍矣比承下風
之末精義入神仰恃大慈追收前失請容剝落受業于先生之門
也先生曰子悟迷知返善矣哉

臨川明
集題

辯正論

彌天釋道安每稱譯胡爲秦有五失本三不易也一者胡言盡倒
而使從秦一失本也二故胡經尙質秦人好文傳可眾心非文不
合二失本也三者胡經委悉至于歎詠丁寧反覆或三或四不嫌
其繁而今裁斥三失本也四者胡有義說正似亂詞尋檢正語文
無已異或一千或五百今竝刈而不存四失本也五者事已合成
將更旁及反騰前詞已後說而悉除此五失本也然智經三達之
心覆面所演望必因時時俗有易而剛雅古已適今時一不易也

愚智天隔聖人巨階乃欲引千載之上微言傳使合百王之下末俗二不易也阿難出經去佛未久尊大迦葉令五百六通迭察迭書今離千年而曰近意量裁彼阿羅漢乃兢兢若此此生死人而平平若是豈將不引知法者猛乎斯三不易也涉茲五失經三不易譯胡爲秦詎可不慎乎正當引不關異言傳令知會通耳何復嫌于得失乎是乃未所敢知也余觀道安法師獨秉神慧高振天木傾袖先賢開通後學修經錄則法藏逾闕理眾儀則僧寶彌甚世稱印手菩薩豈虛也哉詳凡典之難易銓譯人之得失可謂洞人幽微能究深隱至于天竺字體悉舉聲例尋其雅論亦似閑明舊喚彼方總名胡國安雖遠識未變常語胡本雜戎之屑梵唯直聖之苗根既懸殊理無相濫不善諸悉多致雷同見有胡貌卽云梵種實是梵人漫云胡族莫分真僞良可哀哉語梵雖訛比胡猶別改爲梵學知非胡者竊曰佛典之興本來西域譯經之起原自

南京歷代轉昌、迄茲無墜、久之流變、稍疑虧動、競逐澆渺、渺能迴覺、計其故事、失在昔人、至如五欲順情、信是難棄、三衣苦節、定非易忍、創遺體之愛、入道要門、捨天性之親、出家恆務、俗有可反之致、忽然已反、梵有可學之理、何因不學、又則發蒙草創、服膺章簡、同鸛鵲之言、放邯鄲之步、經營一字、爲力至多、歷覽數年、其道方傳、乃能包括今古、網羅天地、業似山巨、志類淵海、彼之梵法、大聖規謨、略得章本、通知體式、研若有功、解便無滯、正于此域、固不爲難、難尙須求、況其易也、或曰、內執人我、外慚咨問、枉令祕術、曠隔神州、靜言思之、愍而流涕、向使法蘭歸漢、僧會適吳、士行佛念之儔、智嚴寶雲之末、纔去俗衣、尋教梵字、亦需僧數、先披葉典、則應五天正語、充布闡浮、三轉妙音、普流震旦、人人共解、省翻譯之勞、代代咸明、除疑網之失、于是舌根恆淨、心鏡彌朗、藉此聞思、永爲種性、安之所述、大啓元門、其開曲紐、由或未盡、更憑正文、助光遺

迹粗開要例則有十條字聲一句韻二問答三名義四經論五歌
誦六呪功七品題八專業九異本十各疏其粗廣文如論安公又
云前人出經支識世高審得故本難斷者也羅義支越斷鑿之巧
者也竊以得本關實斷巧由文舊曰爲鑿今固非審握管之暇試
復論之先覺諸賢高名參聖慧解深發功業宏啓創發元路早入
空門辨不虛起義應雅合但佛教初流方音勘會日斯譯彼仍恐
難明無廢後生已承前哲梵書漸播真宗稍演其所宣出竊爲分
明聊因此言輒詮古譯漢縱守本猶敢遊議魏雖在昔終欲懸計
或繁或簡理容未適時野時華例頗不定晉宋尙于談說爭壞其
清秦涼重于文才尤從其質非無四五高德緝之曰道八九大經
錄之曰正自茲已後迭相祖述舊典成法且可憲章展轉同見因
循共寫莫問是非誰窮始末倒置惟對面之物乃作華鬘安禪本
合掌之名例爲禪定如斯等類固亦眾矣聞支洛邑義少加新

諦陳時語多飾異若令梵師獨斷則微言罕革筆人參制則餘辭必混意者益貴樸而近理不用巧而背源儻見清質請勿嫌煩肯日仰對尊顏瞻尙不等親承妙吼聽猶有別評論起迷豫晒涅槃之記部黨與執懸著文殊之典雖二邊之義佛亦許可而兩閒之道比丘未允其致雙林早潛一味初損于聖同志九旬共集雜碎之條尋訛本誠水鵠之頌俄舛昔經一聖纔亡法門卽滅千年已遠人心轉僞旣乏瀉水之聞復寡懸河之說欲求冥會詎可得乎且儒學古文變猶紕繆世人今語傳尙參差況凡聖殊倫東西隔域難之又難論莫能盡必慙慙于三復靡造次于一言歲校則利有餘日計則功不足開大明而布範燭長夜而成務宣譯之業未可加也經不容易理藉名賢常思品藻終慚水鏡兼而取之所備者八誠心愛法志願益人不憚久時其備一也將踐覺場先牢戒足不染譏惡其備二也筌曉三藏義貫兩乘不苦闇滯其備三也

有涉墳史、工綴典詞、不過魯拙、其備四也。襟袍平恕、器量虛融、不
好專執、其備五也。耽于道術、澹于名利、不欲高銜、其備六也。要識
梵言、乃閑正譯、不墜彼學、其備七也。薄閱蒼雅、粗諳篆隸、不昧此
文、其備八也。八者備矣、方是得人、三業必長、其風靡絕。若使精搜
十步、應見香草、微收一用、時遇良林。雖往者而難儔、庶來者而能
繼。法橋未斷、夫復何言、則延鎧之徒、不迴隆于魏室、護顯之輩、豈
偏盛于晉朝。或曰、一音遙說、四生各解、普被大慈、咸蒙遠悟。至若
開源白馬、則語逐洛陽、發序赤鳥、則言隨建業。末應強移、此韻始
符、極旨要工、披讀乃究。元宗遇本、卽依真偽、篤信案常、無改世稱。
仰述誠在一心、非關四辨、必令存梵、詎是通方。對曰、談而不經、有
慚博識、學而無友、退愧寡聞。獨執管錘、未該窮壤、理絕名相、彌難
穿鑿。在昔圓音之下、神力冥加、滿字之閒、利根迴契。然今地殊王
舍、人異金口、卽令懸解、定知難會。經旨若圓、雅懷應合、直餐梵響、

何待譯言、本尙虧圓、譯豈純寔、等非圓寔、不無疏近、本固守音、譯疑變意、一向能守、十例可明、緣情判義、誠所未敢、若夫孝始孝終、治家治國、足宣至德、堪宏要道、況復淨名之勸發心、善生之歸妙覺、奚假落髮翦鬚、若違俗訓、持衣捧鉢、頓改世儀、坐受僧號、詳謂是理、遙學梵章、寧容非法、崇佛爲主、羞計佛字之源、紹釋爲宗、恥尋釋語之趣、空覩經業、弗興敬仰、忽見梵僧、倒生侮慢、退本追末、吁可笑乎、像運將窮、斯法見續、用茲紹繼、誠可悲夫、續高僧傳二

沙門不應拜俗總論

夫沙門不拜俗者何、蓋出處異流、內外殊分、居宗體極、息慮忘身、不汲汲、不求生、不區區、已順化、情超宇內、迹寄寰中、斯所已抗禮宸居、背恩天屬、化物不能遷其化、生生無已、累其生、長揖君親、斯其大旨也、若推之人事、稽諸訓詁、則所不應拜、其例十焉、至如望秩山川、郊祀天地、欲其利物、君罄通誠、今三寶住持、歸戒弘益、幽

明翼化可略言焉。斯神祇之流也。爲祭之尸。必叶昭穆。割牲薦熟。時爲不臣。今三寶一體。敬僧如佛。備乎內典。無俟繁言。斯祭主之流也。杞宋之後。二王之後。王者所重。敬爲國賓。今僧爲法王之胥。王者受佛付囑。勸勵四部。進修三行。斯國賓之流也。重道尊師。則弗臣矣。雖詔天子無北面焉。今沙門傳佛至教。尊凡誘物。嚴師敬學。其在茲乎。斯儒行之流也。禮云。介者不拜。爲其失于容節。故周亞父長揖漢文也。今沙門身被忍鎧。戡翦欲軍。掌握慧刀。志摧心惑。斯介胄之流也。著代筮賓。尊先冠阼。母兄致拜。曰禮成人。今沙門曰大法爲己任。拯羣生于塗炭。敬遵遺躅。祖承嫡胤。斯傳重之流也。堯桺則天不風。頽陽之高武。盡美矣。終全孤竹之潔。今沙門高尚其事。不事王侯。蟬蛻塵埃之中。自致寰區之外。斯逸人之流也。犯五刑。關三木。被箠楚。嬰金鐵者。不責其具禮。今沙門剃毛髮。絕膚嗣。毀形體。易衣服。甚刑之流也。又詔使雖微。承天則貴。沙門

縱賤稟命宜尊、況德動幽明、化雷龍鬼、靜人天之苦浪、清品庶之
炎氛、功既廣焉、澤亦弘矣、豈使絕塵之伍、拜累君親、閒放之流、削
同名教而已、余幼耽斯務、長頗搜尋、采遺烈于青編、纂前芳于汗
簡、重以感淪暉于佛日、罄煇火以興詞、庶永將來傳之好事、又古
今書論皆云不敬、據斯一字、愚竊惑焉、何者、敬乃通心、曲禮稱無
不敬、拜唯身屈、周陳九拜之儀、且君父尊嚴、心敬無容、不可、法律
崇重、身拜有爽、通經以拜代敬、用將爲允、故其書曰、不拜爲文、遠
公有言曰、淵鑒豈待晨露哉、蓋自伸其罔極也、此書之作、亦猶是
焉、達鑒通賢、儻無譏矣、廣弘明集二十五

合部金光明經序

金光明經者、教窮滿字、金鼓擊于夢中、理極真空、寶塔涌于地上、
三身果儼、酬昔報之無虧、十地因圓、顯曩修之具足、所以經王之
號、得稱于斯、將知能弘贊人、其位難量者也、大興善寺沙門釋寶

貴者卽近周世道安神足伏膺明匠實曰良木翫閱羣經未嘗釋手口謂瞿曇身子孔氏顏淵者焉然貴觀昔晉世沙門支敏度合兩支兩竺一白五家首楞嚴五本爲一部作八卷又合一支兩竺三家維摩三本爲一部作五卷今沙門僧就又合二讖羅什耶舍四家大集四本爲一部作六十卷非止收涓添海亦是聚芥培山諸此合經文義宛具斯旣先哲遺蹤貴遂依承以爲規矩而金光顯見有三本初在涼世有曇無讖譯爲四卷止十八品其次周世耶舍崛多譯爲五卷成二十品後逮梁世真諦三藏千建康譯三身分別業障滅陀羅尼最淨地依空滿願等四品足前出沒爲十二品其序果云曇無讖法師稱金光明經篇品闕漏每尋文揣義謂此說有微而讎校無指永懷寤寐寶貴每歎此經祕奧後分云何竟無囑累舊雖三譯本疑未周長想梵文願言逢遇大隋馭寓新經卽來帝敕所司相續翻譯至開皇十七年法席小閒因勸

請北天竺、犍陀羅國三藏法師闍那崛多。此云志德。重尋後本。果有囑累品。後得銀主陀羅尼品。故知法典源散。派別條分。承注未流。理難全具。賴三藏法師慧性沖明。學業優遠。內外經論。多所博通。在京大興善寺。卽爲翻譯。并前出合二十四品。寫爲八卷。學士成。都費長房筆受。通梵沙門日嚴寺釋彥琮校練。寶珠旣足。欣躍載淡。願此法燈傳之永劫。

釋藏食一

法純像贊序

昂少所慈育。親供上行。爲之碑文。廣陳盛事。兼以立性閑穆。識悟清爽。文藻橫被。聞于京室。續高僧傳純住西京禪定寺。仁壽初卒。弟子慧昂等圖其儀質。飾以丹青。琮爲之贊。

賜進士出身二品銜廣東等處提刑按察使司按察使兼管驛傳事務黃岡王毓藻校刊